

南方政府公報

第一輯

南方政府公報

第一輯

中華民國九年

四月廿八日

星期三

修字第二百六十九號

軍政府公報

軍政府總務廳印鑄科發行

第一一六

命令

軍政府令

財政部陳請將潮汕關監督譚兆槐免去本職應照准此令



中華民國九年四月十五日

軍政府令

外交部陳請將靈汕頭交涉員譚兆槐免去本職應照准此令



中華民國九年四月十五日

軍政府令

調任王懋署理潮汕關監督此令



中華民國九年四月十五日

軍政府令

外交部陳請調任署潮汕關監督王懋兼汕頭交涉員應照准此令



中華民國九年四月十五日

軍政府令

任命楊晉兼理瓊海關監督兼管北海關事宜此令



中華民國九年四月十五日

軍政府令

外交部陳請任命瓊崖道道尹楊晉兼理瓊州北海交涉員應照准此令



中華民國九年四月十五日

軍政府公報

四月廿八日

第三十九號

二六九二

軍政府指令第一百十六號

令代理廣東財政廳長楊永泰

呈一件爲前繳回印花稅舊票擬請咨財政部先行銷燬以防流弊請指令遵照由
呈悉所謂先將前繳之印花稅舊票壹萬壹千九百餘元先行銷燬以防流弊事屬可行候轉咨財政部
核辦可也此令

軍政府
府印

中華民國九年四月十八日

軍政府指令一百二十號

令代理警衛司令鈕永建

呈一件爲竊悉收回成命
呈悉該司令力辭兼職具見沖懷惟查本府原任警衛司令既經奉諭出防所有警衛職務關係重要仍
仰勉爲擔任俟陳司令回省後再行交代可也所謂收回成命之處應毋庸議此命

軍政府
府印

中華民國九年四月廿一日

公電

譚督軍延闔贊成熊川督東電主張消弭內訌同禦外侮電

廣州軍政府岑總裁伍總裁林總裁各部長莫督軍張省長林總司令沈總司令李協和總司令鄂軍李總司令韓軍彭總司令瓊州李督辦武鳴陸總裁附甯譚督軍李省長雲南唐總裁周省長貴陽劉督軍王總司令成都熊督軍楊省長漳州陳省長汕頭呂督辦上海孫總裁唐總代表並西南各分代表三原于督軍張督辦賓州顧軍長澧州趙軍長苑南柏總司令夔州黎總司令王總司令鑒譚錦公東電指陳利害力拯艱危藥石良言聞者興起自速舍一切停頓時局日趨混沌和既不能戰又未可始趨凶而漸成荒忽物腐虫生堤決水潰于是敵人離間之計將領權利之爭政客掉圖之策皆相緣而起時而聯甲排乙時而舍張助李黑幕重重不可思議至於今日則督胆秦越袒席戈矛顯成破裂之局幾無維持之方面敵人方且鼓掌稱快于前國民疾首蹙額於後士卒懷疑徘徊於內友邦評嘲嘲惜於外現象至此言之痛心尊電主張以同禦外侮消弭內訌實為惟一救濟方法延闔深表贊同且不僅為西南內部計也以言任事以言國勢以言民命皆不容再予我以偷安旦夕之機念貽大局無窮之隱憂生死存亡決於暫緩惟一著諸公卓識必有至謀延闔庚印(四月八日)

福建詔安青年愛國會代表吳鶴瘦等請飛電北庭阻止魯案

直接交涉電

廣州軍政府各總裁外交部學生聯合會旅粵福建同鄉會上海中華民國學生聯合會全國各界聯合會留日學生泣懇救國團旅滬福建同鄉會福州省議會教育會漳州陳省長均鑒聞魯案在東京直接交涉是直欲斷送青島日人之手必無挽回之日北庭固違民意實行賣國喪心病狂殊堪痛恨希即飛電北庭阻止直接交涉不然國亡無日矣福建詔安青年愛國會代表吳鶴瘦郭詩銘暨全體會員同叩真印(四月十一日)

熊督軍克武電告陸軍中將高尚志被害已通令協緝兇犯務

獲究辦電

廣州軍政府各總裁各部總次長參眾兩院莫督軍甯甯督軍桂林李省長漳州林總裁陳省長李督辦沈總司令雲南唐總裁貴陽劉督軍王總司令武鳴陸總裁郴州譚督軍趙總司令辰州田張胡林蕭各總司令詔安方會辦慶州黎王總司令施開柏總司令藍恩問使三原于督軍張會辦耀縣葉軍長上海孫總裁唐總代表暨西甯各分代表章太炎孫伯蘭汪精衛張溥泉諸先生漳州趙軍長貴州顧軍長均鑒先後接柏黎兩總司令皓巧兩電暨雲南唐督軍內電驚悉第五旅陸軍中將高尚志與其弟誠之確於篠日同在距代溪十餘里永壽糧地方慘被戕害曷勝憤惻除通令協緝兇犯務獲究辦以伸法

紀而慰幽魂外謹此電聞四川督軍熊克武文叩(四月十二日)

參議院孫代議長光庭電告啓用印信電

廣州軍政府各總統暨各部部长大理院各省區代表莫督軍張省長省議會銓總司令林總司令馬總司令沈總司令福軍李總司令浙軍蔣伯器上將湘軍林浴九中將劉總司令陳師長暨各軍師長吳稚暉胡展堂李石曾汪精衛諸先生市政公所廣東報界公會漳州林督軍陳省長潮州伍軍長黃岡呂督辦王副司令陳師長武鳴陸總裁南粵譚督軍李省長省議會雲南唐總裁省議會成都熊督軍楊省長省議會貴陽劉督軍王總司令省議會卮州譚督軍省議會趙師長林氏政處長宋陳廖魯譚李張各旅長各統領長各司令韶州沈督辦瓊州李鎮守使辰州田張胡林蕭谷總司令湘西參事會永州零陵鎮守使夔州黎總司令吳總司令柏總指揮豫軍王總司令巫山王總司令三原于督軍張會辦上海孫中山先生章太炎先生潘德代表北和各代表王儒堂徐國卿朱一樁蔣觀雲譚石屏徐季龍溫欽甫諸先生均鑒本院印信前為林總議長遺失當即在新另鑄仍照原文白參議院印業於是日啓用統祈查照孫光庭叩文印

孫代議長光庭電告西院宣言以林吳褚既已離去職守無論在何地方用何名義凡未經國會議決一切文電概屬無效

電

廣州軍政府各總裁各部長大理院各省軍代表莫督軍張省長省議會海軍各總長鍾總司令林總司令馬總司令沈總司令顧軍李總司令浙軍呂總司令湘軍林中將魏總司令陳師長暨各軍師長吳稚暉胡展堂李石曾汪精衛諸先生教育會西洋留學生會漳州林督軍陳省長洪鎮守使汕頭劉鎮守使黃岡呂督辦王副司令陳師長武鳴陸總裁兩廣譚督軍李省長省議會雲南唐總裁周學省長省議會成都熊督軍楊省長省議會並探送顧師長趙師長郴州譚督軍省議會趙師長韶州沈督辦瓊州李督辦戩州田張胡林蕭各總司令並轉湘西參事會永州零陵鎮守使連州黎總司令吳總司令柏總指揮豫軍三總司令屈山王總司令三原于督軍張會辦葉總司令均鑒。日州兩院聯合會議決發布軍事文曰自林森吳景濂補成等擅離職守後曾於昨日開會議決公推孫議員光庭為參議院主席代行議長職權兼理衆議院事務並經電告台端計邀鑒察查西南護法四載於茲召集國會組織軍府以伸大義於天下留人間之正氣故在北庭未就軌範以前護法區域之外無國會亦無政府大法所在日月為昭近查林森等妄借國體移過之說同人等祇知廣州之國會與軍府為護法中樞及民國正統之所在議長離職他去不過分子之去留與國會及軍府毫無影響上海為北庭勢力範圍藉國仇為保護啓西南之內訌變節取辱貽羞中外同人心實痛之特於本日議決林森吳景濂補成等既已離去職守則無論其在何地方用何名義凡未經國會議決一切文電概屬無效謹此宣言咸使聞知參議院衆

議院條等語諸公護法救國艱苦備嘗若任令破壞於一二人之手使西兩用兵數年大業無成天下其謂我何語曰與治同道罔不興與亂同事罔不亡惟諸公對於林吳褚等非法行動一致否認以定名分而維大局無任盼禱參議院主席代行議長職權兼理衆議院事務孫光庭叩錄印(四月十七日)

各總裁致靳雲鵬中日軍事協定急宜廢除王揖唐地位與和

議有碍仍請查照前電辦理電

北京靳翼青先生鑒遠電悉中日軍事協定原爲共同防止德奧而設歐戰早經結局此項軍事協定久無存在之餘地即令俄有內亂我國無干涉之理況協約各國除日本外皆已撤兵我國尤宜及早撤退遼日人將駐西比利亞軍隊移駐滿州里一帶藉口軍事協定尤屬變本加厲不速其布廢約後患正不可知來電所稱効力終止究在何時以詔國民瞻復見信總之軍事協定不經明白廢除無論若何解釋難免全國之疑懼至於王揖唐之地位實與和議有碍仍請查照前各電辦理迅圖解決冀幸實多事佈惻忱希爲察照等春爐陸榮廷唐繼堯林葆懌齊叩(四月八日)

國務會議致各省督軍省長暨高等檢察廳經議決請獎司法人員應由各省高檢廳逕呈司法部彙請核辦電

雲南唐總裁武鳴陸總裁南甯譚督軍李省長貴陽劉督軍成都熊督軍楊省長三原于督軍柳州譚督

軍漳州陳省長詔安方會辦抄送廣州林督軍莫督軍省長公署并轉各省高等檢察廳均鑒近查各省請獎案多將司法人員列叙辦法未免紛歧現經議決此項人員應由各省高檢廳呈司法部彙請核辦以歸一律希即查照辦理政務會議謹印(四月二十三日)

秘書廳復詔安青年愛國會魯案迭經嚴電北庭阻止直接交

涉電

詔安青年愛國會代表暨全體會員鑒真電奉政務會議發下誦悉查軍府對於魯案迭經嚴電北庭阻止直接交涉嗣接復電岩謂時機未至只可持以審慎等語特由軍政府秘書廳謹印(四月十九日)

政務會議復孫代議長光廷對於兩院條日宣言極表贊同電

廣州參議院孫代議長鑒孫電誦悉廣州為護法中樞中外所同認國會集議軍府成立亦已三年相期母負始終貫徹護法職志中道而廢何以自對良心求庇於人尤足謗笑天下且國會為大法所寄非一二人私見所能挾持亦非一二人名義所能假借對於兩院條日宣言極表贊同敬布區區諸惟察照政務會議敬印(四月廿四日)

吳督司法部次長賀四川籌邊處督會辦就職電

萬急對成都籌邊處行署鈞鑒辦孫會辦宋會辦均鑒奉真電欣悉公等業已就四川籌邊處督

辦會辦之任林頌維度展生平之才猷抒匡時之偉畧小范老子腹中有數萬甲兵鮮于子駿當然是萬家生佛邊藏得公等坐鎮其間詐虞不作刁斗無聲比戶定可封也專此電賀無任歡愉吳山叩印
(四月二十日)

司法部致四川高等檢察廳狀紙事業已迭電解決各狀價格 數目亦經指令在案仍仰查照辦理電

竊憲對成都高等檢察廳程檢察長鑒佳代電青電均悉狀紙事業於巧電暫代電卅一電明白解決各狀價格數目不符亦於第三五九號指令在案仍仰查照辦理前發狀紙缺少刑事上訴狀應即補發除另文令收外特覆軍政府司法部印(四月二十日)

司法部致湖南高等審判廳長李漢丞准予請假委民庭長羅 任代拆代行電

郴州高等審判廳李廳長鑒巧電悉該廳長因公來粵請假二十日委民庭長羅任代拆代行應予照准司法部印(四月二十二日)

公文

司法部陳請核議四川高等審判廳廳長唐宗堯呈請獎給成都縣知事薛仲良等勳章一案文

司法部咨陳

咨字第一百五十四號

爲咨陳核議事案據四川高等審判廳廳長唐宗堯呈稱爲呈請事竊查整飭官常自應嚴其考覈旌別淑慝端在獎其勤勞民國八年終職廳曾遵重政府頒給勳章條例呈請獎給司法各員勳章在案惟川省司法機關尙未完全各縣知事兼任司法職廳隨時考查其勤勞卑著者自未便令其向隅有負鈞部宏獎之至意茲查成都縣知事薛仲良理繁治劇肆應才長該員自民國七年三月到任時值川局未定匪風猖獗躬親督率各鄉整飭團練破獲巨案多起並緝獲鄰封匪首多名又復疊次會同鄰邑協緝大股匪黨奪獲槍械兩年以來久而不懈最近數月所轄縣境竟無劫案內江縣知事張卓元精明幹練因應咸宜查該縣地方匪運自貢兩井匪徒出沒異常難緝且民情好訟甲於他縣該員慎選緝隊籌備槍枝聯絡警團守望相助遇有劫案或登時兜擒或日破獲於民事訴訟亦隨請隨結毫無株累雙流縣知事劉佑年富才明踐履實該縣爲南路通衢地瘠民悍該員任事一年有餘匪風漸息詞訟亦乏上訴德陽縣知事呂平高勇於緝捕民賴以安該員於命盜各案盡力訪緝悉心研訊議擬罪名俱臻平允